



SAKSFRAMLEGG

Sakshandsamar: Marianne Soleng	Arkivkode: FE-063
Arkivsaksnr: 18/560	Løpenr: 19/4401
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	17.10.2019	053/2019

Godkjenning av ny selskapsavtale og tilskotsmodell for Interkommunalt arkiv Hordaland IKS frå 2020

17.10.2019 Kommunestyret:

Handsaming i møtet:

Rådmannen sitt framlegg til vedtak vart samrøystes vedteke.

KS- 053/2019 Vedtak:

Samnanger kommune vedtek selskapsavtale for Interkommunalt Arkiv i Hordaland IKS og gjer denne gjeldande frå og med 01.01.2020.

Samnanger kommune vedtek tilskotsmodell for Interkommunalt Arkiv i Hordaland IKS og gjer denne gjeldande frå og med 01.01.2020.

Rådmannen sitt framlegg til vedtak:

Samnanger kommune vedtek selskapsavtale for Interkommunalt Arkiv i Hordaland IKS og gjer denne gjeldande frå og med 01.01.2020.

Samnanger kommune vedtek tilskotsmodell for Interkommunalt Arkiv i Hordaland IKS og gjer denne gjeldande frå og med 01.01.2020.

Dokument som er vedlagt:

Selskapsavtale pr. 01.01.2020 (2)

Kva saka gjeld:

Den 30. april 2019 gjorde representantskapet ved Interkommunalt arkiv i Hordaland IKS vedtak om og fremje forslag om endring i selskapsavtala frå 01.01.2020. I same møte vedtok ein og framlegg til eigarbrøk samt ny tilskotsmodell.

Protokollen frå representantskapsmøte vart lagt fram for kommunestyret i møte 03.06.2019 som referatsak.

Tilskotsmodellen tek utgangspunkt i eit grunnbeløp som er likt for kvar eigarkommune i tillegg til eit

fast kronebeløp for kvar innbyggjar ut frå tal frå SSB pr. 1 januar føregåande år.

Eigarbrøk utgår frå samla innbetalt tilskot og vert justert kvart 4 år på bakgrunn i endringar samt inn og utmeldingar i selskapet.

Økonomiske konsekvensar:

Tilskot til selskapet vert i ny tilskotsmodell eit fastbeløp på kr. 91 667,- samt kr. 3,15 pr. innbyggjar. Dette fører til at Samnanger kommune frå 2020 skal yte eit eigartilskot på kr. 99 504,-.

Dette vert ei auke på kr. 24 508,- i frå 2019. Auka skuldast at talet på eigarar går ned, grunna kommunereforma, og kostnader skal fordelast på færre eigarkommunar. Samnanger kommune har til no fått ordna arkiva sine hos IKAH, i perioden frå 1965- til ut på 1990 talet, og dermed fått utført meir arbeid innanfor eigartilskotet enn andre eigarkommunar.

Andre eigarkommunar har ikkje fått utført dette arbeidet. I ei ny selskapsavtale vert ordning av arkiva tilbydd gjennom ei oppdragsavtale der kommunane lyt betala IKAH omgåande for utført arbeide.

Samnanger kommune sin eigardel i selskapet vert endra frå 1,92 % i 2019 til 3,4 % frå 2020. Dette skuldast at eigardelen føl tilskotet og at eigarbrøken skal fordelast på færre eigarar.

Konsekvensar av eit negativt vedtak:

Skal selskapsavtala endrast, er det ein føresetnad at det vert gjort likelydande vedtak i samtlege kommunestyre i eigarkommunane. Ny selskapsavtale er ikkje gjeldande før den er godkjend i føretaksregisteret.

Om det ikkje vert vedteke ny selskapsavtale innan 1. januar 2020 vil gamal avtale gjelda og gamal tilskotsmodell vert lagt til grunn fram til ny modell er vedteken.